

CLASSIS QUARTA.

D E

CONDITIS,
Conservis, Elæofaccharis, morfu-
lis, rotulis & tabulis.CONDIUNTUR IN
PHARMACIA NOSTRA.

Acori radices,
 Aurantiorum cortices,
 Flores,
 Berberis fructus,
 Calamus aromaticus,
 Cerasa acida,
 Cichorei radices,
 Citri caro,
 Cortices,
 Consolidæ majoris radices,
 Cydonia,
 Enulæ radices,
 Eryngii radices,
 Nuces Indicæ,
 Juglandes,
 Ribes,
 Satyrionis radices,
 Scorzoneræ radices,
 Zinziber.

Quæ ex his recensitis parantur,
 condiantur, lege artis, sacchari

clarificati sufficienti quantitate,
 quæ jam condita afferuntur, iis
 perspecta patroni attentio invigi-
 labit.

DE CONSERVIS.

De absynthio Pontico,
 Vulgari,
 Acetosa,
 Acetosella,
 Anthos,
 Aurantiorum floribus,
 Balauistiæ floribus,
 Bellidis albæ floribus,
 Rubræ floribus,
 Betonicæ floribus,
 Borraginis floribus,
 Buglossi floribus,
 Calendulæ floribus,
 Carduo benedicto,
 Centaurii minoris flori-
 bus,
 Cichorei floribus,

K 2

Citra

Citro ex pulpa,
 Cochlearia,
 Euphrasia,
 Farfara,
 Fumaria,
 Hedera terrestri.
 Hyperici floribus,
 Lavendulæ floribus,
 Liliis convalliis,
 Majorana,
 Malva arborea,
 Vulgaris floribus,
 Melissa,
 Mentha,
 Nymphææ floribus,
 Papavere erratico,
 Paralyseos floribus,
 Persicorum floribus,
 Pœoniæ floribus,
 Rosis albis,
 Damascenis,
 Rubris,
 Vitriolatis,
 Ruta,
 Salviæ floribus,
 Scabiosæ floribus,
 Trifolio fibrino,
 Tunicæ floribus,
 Veronica,
 Violarum floribus,

Parantur conservæ, ubi ad minutissimè concisorum florum & foliorum libram unam adduntur sacchari canarini libræ duæ, & taliter, lege artis, conficiantur conservæ, ingredientis virtutes secumferentes.



DE ELÆOSACCHARIS.

Materiam pro elæosaccharis præbent

Anisum,
 Aurantia poma,
 Cinnamomum,
 Citri poma,
 Fœniculum,
 Macis.
 Sassafras.
 Succinum.

Ad quæ conficienda sumatur prædictorum olei scrupulus unus, & instilletur sacchari Canarini uncia uni, exceptis aurantiis & citri pomis, ubi de recentibus corticibus mediante attriturâ sacchari parandum est, lege artis, elæosaccharum.

DE MORSULIS.

MORSULI AD ARDOREM VENTRICULI.

℞. Cretæ coloniënsis unciam semis,
 Cornu cervi usti drachmas duas,
 Oculorum cancrorum
 Boli armenæ
 Coralliorum rubrorum ana-
 præparatorum drachmas tres,
 Nucis moschatæ drachmam unam,
 Sacchari albi in aqua fontana soluti libram unam.
 Pul-

Pulverifata misceantur, & fiant, lege artis, morsuli.

Vires sunt stomachicæ & temperantes, in cardialgiis expertæ.

MORSULI IMPERATORIS.

℞. Pistaciorum decorticatorum
Amygdalarum dulcium ana
drachmas sex,
Flavedinis corticum citri recentis
drachmas tres,
Specierum Imperatoris minutim
incisarum & contusarum
drachmas sex,

Sacchari in aqua fontana soluti
libram unam semis,
Aquæ naphæ ad odoris gratiam
drachmas tres,

Fiant, lege artis, morsuli, qui etiam
sine fructibus parari possunt.

Vires in confortando, & ad digestionem adaptando stomacho sunt celebres.

MORSULI MAGNANIMITATIS.

℞. Scinci marini unciam semis,
Boleti cervini
Priapi cervi
Radiciis pyrethri ana drachmas
duas,
Satyrionis conditæ
Eryngii conditæ
Nucis indicæ conditæ ana unciam
unam,
Seminis erucæ

Fraxini

Borracis venetæ

Piperis albi

Longi

Cardamomi minoris ana drachmam
unam,

Specierum Imperatoris drachmas
sex,

Vanigliæ drachmam unam,

Sacchari albi in aqua Cinnamomi
soluti libras duas,

Minutim incisa & pulverifata misceantur, ut fiant, lege artis, morsuli; si completi desiderentur, addantur

Ambre gryseæ scrupuli duo,
Moschi scrupulus unus,
Zibethi scrupulus semis.

Virtutes sunt summè aphrodisiacæ, dum languentem venerem potenter stimulant.

MORSULI PURGANTES.

℞. Cremoris tartari
Diagrydii sulphurati optimè pineis
subacti ana unciam semis,
Mechoacannæ albæ drachmas
sex,
Nitri depurati drachmam unam,
Sacchari albissimi in aqua fontana
dissoluti libram unam,

Circa finem addendo aquæ naphæ
quantum satis ad gratiam
L fiant

fiant, lege artis, morsuli ad drachmas duas, plus minus.

Virtutes purgantes ex insignitione nominis abundè patent.

MORSULI TARTAREI.

℞. Cremoris tartari drachmas sex,
Fœcularum acetosellæ drachmam unam,
Sacchari albissimi libram unam,
Succi citri recentis quantum fatis,
Misceantur, & fiant morsuli.

Vires sunt digestivæ, sitim sedantes, bilem contemperantes, & appetitum prostratum excitantes.

ROTULÆ BERBERUM.

℞. Sacchari albi pulverisati libram unam,
Incalescat ad ignem, dein addatur Succi berberum depurati quantum fatis,
Et fiant, lege artis, rotulæ.

Ad sitim sedandam, & refrigerationem procurandam recommendantur.

ROTULÆ DIACODII SOLIDI.

℞. Seminis papaveris albi unciam semis,
Aquæ farfaræ uncias tres,
Fiat emulsio, in qua dissolvatur

Sacchari albissimi quantum fatis,

Tandem fiat, lege artis, confectio in rotulis.

ROTULÆ DIACODII CROCATÆ.

Parantur eodem modo addendo ad sacchari uncias quatuor croci austriaci pulverisati scrupulum unum.

Vires utriusquæ compositionis consistunt in tenuibus, salsis & crassis catarrhis inhibendis, tussi sedanda, & raucedine: in magna verò quantitate ob rancedinem hæc confectio non paritur.

ROTULÆ DIAIREOS

℞. Specierum diaireos simplicium unciam semis,
Sacchari albissimi libram unam,
Fiant inde, lege artis, rotulæ.

ROTULÆ DIAIREOS CROCATÆ.

Eadem methodo præparantur, sumendo ad sacchari libram unam croci austriaci pulverisati drachmam unam.

Utraquæ compositio in tussi ad excreationem promovendam conducit.

ROTULÆ DIATRAGACANTHI FRIGIDI.

℞. Specierum diatragacanthi frigidi unciam unam semis,
Sac-

Sacchari albissimi libram
unam,

Conficiantur exinde, lege artis,
rotulæ.

**ROTULÆ DIATRAGACANTHI FRIGIDI
CUM BOLO.**

℞. Specierum diatragacanthi frigi-
di unciam unam,
Boli armenæ præparatæ unciam
semis,
Sacchari albissimi libram
unam,

Conficiantur, lege artis, rotulæ.

*Quæ utraqûe in tenuibus & acri-
bus defluxionibus recommendantur.*

**ROTULÆ MANUS
CHRISTI SIMPLICES.**

℞. Sacchari albissimi libram
unam,
Aquæ rosarum quantum pro
solutione sufficit,
Coquantur, lege artis, ut queant
formari rotulæ.

**ROTULÆ MANUS
CHRISTI PERLATÆ.**

Parantur eodem modo, sub finem
coctionis addendo
Margaritarum præparatarum
unciam semis,
Et fiant rotulæ.

*In astu febrili, deliriis, & causo
refocillationem & auxilium asserunt.*

**ROTULÆ AD VER-
MES.**

℞. Seminis Santonici unciam unam
semis,
Mechoacannæ
Dictamni albi ana unciam se-
mis,
Cornu cervi usti
Corallinæ ana drachmam unam
semis,
Florum tanaceti drachmam
unam,
Seminis coriandri drachmam
semis,

Pulverisentur, & cum
Sacchari Canarini in aqua gra-
minis soluti libra
una semis

Fiat, lege artis, confectio in rotulis.

*Cujus vires ab ipsa denominatione
desumuntur.*

**ROTULÆ VIOLA-
RUM.**

Parantur ex infusione violarum
suo tempore.

*Usus præcipuus est in Catarrhis &
defluxionibus salsis.*

**TABULÆ DE AL-
THÆA.**

℞. Radicis althææ albissimæ pul-
verisatæ unciam unam
semis.

Sacchari Canarini libram unam,
Fiant, lege artis, cum sufficienti

quantitate mucilaginis tragacanthi seu radicis althææ tabulæ.

Usus præcipuus est in affectibus vesicæ, renum & pectoris, ut peripneumonia, pleuritide & consimilibus.

SACCHARUM ROSATUM TABULATUM.

℞. Florum rosarum rubrarum mundatorum drachmas duas,

Pulverisentur subtilissimè, & introrentur spiritûs vitrioli guttis duodecim, dein immisceantur in sacchari albi in aqua rosarum dissoluti & ad debitam consistentiam cocti uncias quatuor, fiat inde confectio in morsulis aut tabulis.

Cor & spiritus vitales insigniter roborare expertum est.

TROCHISCI BECCHICI ALBI.

℞. Pulveris radicis ireos florentinæ unciam unam semis,

Amyli uncias duas semis,

Sacchari albissimi uncias viginti,

Misceantur, & cum mucilagine tragacanthi fiant trochisci.

TROCHISCI BECCHICI CITRINI.

℞. Pulveris liquiritiæ uncias octo,

Specierum diatragacanthi frigidii

Diaireos ana unciam unam semis,

Croci austriaci pulverisati drachmas duas scrupulos duos,

Sacchari albi libras sex,

Ex permixtis fiant cum mucilagine tragacanthi trochisci.

Ex eadem hac massa parantur

BACCILLI DE LIQUIRITIA,

TROCHISCI BECCHICI NIGRI.

℞. Pulveris seminis anisi Fœniculi ana libram semis, Radicis liquiritiæ

Ireos florentinæ

ana uncias tres,

Succi liquiritiæ libras duas uncias octo,

Sacchari albi libras duodecim.

Cum mucilagine tragacanthi fiant trochisci.

Tres hæ compositiones in catarrhis & defluxionibus opem præbent, tussim sedando, & acrimoniam corrigendo.

